

四庫全書

子部

欽定四庫全書

子部

古今事文類聚續集卷一

詳校官中書

臣孫衡

侍讀

臣孫球覆勘

總校官編修

臣王燕緒

校對官中書

臣潘奕雋

謄錄監生

臣徐莊

欽定四庫全書

古今事文類聚續集卷一

宋 祝穆 撰

居處部

國都

形勢

羣書要語都者國君所居人所都會也邑猶俛聚會之

稱也

釋名

惟王建國辨方正位體國經野設官分職以為

民極

天官

土方氏以土圭攷日景以土地相宅而建邦國

都鄙

夏官

匠人營國方九里旁三門國中九經九緯經涂

九軌左祖右社面朝後市

冬官

制國不過千乘都城不過

百雉

坊記

凡邑有宗廟先君之主曰都無曰邑

左傳

京師者

天子之居也京大也師衆也

公羊傳

天子畿方千里曰甸

服甸服之內曰京師

世紀

天子所宮曰都

世紀

崑崙東南方

五千里謂之神州中有和羹鄉方三千里五岳之城帝

王之宅聖人所生也

王嬰古今通論

崑崙東南有赤縣之州風

雨有時寒暑有節苟非此土南則多暑北則多寒東則

多陰故聖人不處焉

張衡靈憲

天子以四海為家故所居曰

行在所

漢書

詩句壯哉帝王居住佳麗殊百城

曹植

江南佳麗地金陵帝

王州

謝朓

地即帝王宅山為龍虎盤

李白金陵詩

山河壯帝居

陳後主

長安開繡陌

陳暨

古今事實

歷代所都

伏羲都陳神農亦都陳

陳今陳州

又營曲阜

今兗州

黃帝都涿

鹿

今幽州

或云有熊

今鄭州

少昊都窮桑

在魯北

顓頊都高陽

在周為衛地今濮陽縣

帝嚳都亳一曰都高辛

今偃師

堯始封於唐

後徙晉陽即帝位都平陽

唐今定州晉陽今太原府平陽今晉州

舜都蒲

阪

今蒲州

禹本封於夏為夏伯及舜禪都平陽或在安邑

在蒲州

按尚書五子之歌曰惟彼陶唐有此冀方言堯舜

至禹及太康皆在冀州界少康中興而復還舊都湯都

亳殷都有三亳

穀熟為南亳即湯都蒙為北亳即景亳湯所盟地偃師為西亳則盤庚所徙

至仲丁遷囂或曰教

今河南之教倉

河亶甲居相

今相州

祖乙居

耿在河東及盤庚五遷復南都亳之殷地則西亳也周文

王都豐武王都鎬

今京兆之界

周公相成王以豐鎬偏處西

方土貢不均乃營洛邑

今東都

成王即洛邑建明堂朝諸

侯復還豐鎬至幽王為犬戎所殺平王東遷乃居洛邑

及敬王時又遷成周

今洛陽故都城是也

秦非子始封於秦

今在隴西

孝公徙咸陽漢都長安東觀漢記曰光武中興都洛陽

又於南陽置南都三國時魏略云魏以長安譙許昌鄴

洛陽為五都吳志云吳都郢後遷建業蜀志云蜀都成

都晉書晉都洛陽至永嘉南居建康宋齊梁陳並居建康梁元帝及後梁蕭詧又別居江陵晉亂有十六國各建都邑隋都長安煬帝遷洛陽唐都長安

帝王世紀

在德不在險

魏武侯浮西河而下顧謂吳起曰美哉山河之固此魏國之寶也起對曰在德不在險昔三苗氏左洞庭右彭蠡德義不修禹滅之夏桀之居左濟河右泰華伊闕在其南羊腸在其北修政不仁湯放之商紂之國左孟門



右太行常山在其北大河經其南修政不德武王殺之  
由此觀之在德不在險若君不修德舟中之人皆敵國  
也

### 秦都之固

秦孝公據崤函之固擁雍州之地始皇踐華為城因河  
為池據億丈之城臨不測之淵以為固天下已定自以  
為關中之固金城千里子孫帝王萬世之業也

賈生  
論秦

形勝之國也帶山阻河縣隔千里持戟百萬秦得百二

馬地勢便利其下兵於諸侯譬猶居高屋之上建瓴水也

高紀

秦皇兼天下都咸陽渭水貫都以象天漢橫橋南

渡以法牽牛

三輔黃圖

漢都形勢

漢書劉敬說上都關中上疑之左右大臣皆山東人多勸上都洛陽曰東有成皋西有崤澠背河向洛其固亦足恃張良曰洛陽雖有此固其中小不過數百里地薄四面受敵此非用武之國夫關中左崤函右隴蜀沃

野千里南有巴蜀之饒北有胡羌之利阻三面而守獨以一面東制諸侯此所謂金城千里天府之國

吳都形勢

張紘言於孫權曰秣陵楚武王所置名為金陵秦始皇時望氣者云金陵有王者氣故掘斷連岡改名秣陵有別小江可以貯船宜為都邑劉備勸都之自京口遷都焉

吳錄

孫皓初童謠云寧飲建業水不食武昌魚寧歸建業

死不就武昌居乃遷都建業

宋志

諸葛亮至京口因覩秣

陵山阜歎曰鍾山龍盤石頭虎踞此帝王之宅

吳錄

關中形勢

陸贄奏今之關中古邦畿千里之地王業根本於是在  
焉秦得用之以傾諸侯漢嘗因之以定四海蓋由憑山  
河之形勢宅田里之上腴弱則內保一方當天下無事  
可以養力俟時強則外制東夏據域中之大可以蓄威  
昭德

古今文集

雜著

兩都賦序

班孟堅

或曰賦者古詩之流也昔成康沒而頌聲寢王澤竭而詩不作大漢初定日不暇給至於武宣之世乃崇禮官考文章內設金馬石渠之署外興樂府叶律之事以興廢繼絕潤色鴻業是以衆庶說豫福應尤盛白麟赤鴈芝房寶鼎之歌薦於郊廟神雀五鳳甘露黃龍之瑞以為年紀故言語侍從之臣若司馬相如吾丘壽王東方朔

枚皋王褒劉向之屬朝夕論思日月獻納而公卿大臣御史大夫倪寬太常孔臧太中大夫董仲舒宗正劉德太子太傅蕭望之等時時間作或以抒下情而通諷諭或以宣上德而盡忠孝雍容揄揚著於後嗣抑亦雅頌之亞也故孝成之世論而錄之蓋奏御者千有餘篇而後大漢之文章炳焉與三代同風且夫道有夷隆學有麗密因時而建德者不以遠近易則故臯陶歌虞奚斯頌魯同見采於孔氏列於詩書其義一也稽之上古則

如彼考之漢室又如此斯事雖細然先臣之舊式國家之遺美不可闕也臣竊見海內清平朝廷無事京師修宮室浚城隍而起苑囿以備制度西土耆老感懷怨思冀上之睠顧而盛稱長安舊制有陋雒邑之議故臣作西都賦以極衆人之所眩曜折以今之法度其詞曰

### 西都賦

有西都賓問於東都主人曰蓋聞皇漢之初經營也嘗有意乎都河洛矣輟而弗康寔用西遷作我上都主人

聞其故而覩其制乎主人曰未也願賓摠懷舊之蓄念  
發思古之幽情博我以皇道弘我以漢京賓曰唯唯漢  
之西都在於雍州寔曰長安左據函谷二嶠之阻表以  
太華終南之山右界褒斜隴首之險帶以洪河涇渭之  
川衆流之隈沂涌其西華實之毛則九州之上腴焉防  
禦之阻則天地之隩區焉是故橫被六合三成帝畿周  
以龍興秦以虎視及至大漢受命而都之也仰悟東井  
之精俯協河圖之靈奉春建策留侯演成天人合應以



發皇明乃眷西顧寔惟作京於是睇秦嶺瞰北阜挾灋  
灞據龍首圖皇基於億載度宏規而大起肇自高而終  
平世增飾以崇麗歷十二之延祚故窮奢而極侈建金  
城之萬雉呀周池而成淵披三條之廣路立十二之通  
門內則街衢洞達閭閻且千九市開場貨別隧分人不  
得顧車不得旋闌城溢郭旁流百廛紅塵四合烟雲相  
連於是既庶且富娛樂無疆都人士女殊異乎五方游  
士擬於公侯列肆侈於姬姜鄉曲豪舉遊俠之雄節慕

原常名亞春陵連交合衆騁驚乎其中若乃觀其四郊  
浮遊近縣則南望杜霸北眺五陵名都對郭邑居相承  
英俊之域紱冕所興冠蓋如雲七相五公與乎州郡之  
豪傑五都之貨殖三選七遷充奉陵邑蓋以強幹弱枝  
隆上都而觀萬國封畿之內厥土千里卓犖諸夏無其  
所有其陽則崇山隱天幽林穹谷陸海珍藏藍田美玉  
商洛緣其隈郭戶杜濱其足源泉灌注陂池交屬竹林  
果園芳草甘木郊野之富號為近蜀其陰則冠以九巖

陪以甘泉乃有靈宮起乎其中秦漢之所極觀淵雲之

所頌歎於是乎存焉下有鄭白之沃衣食之源提封五

萬疆場綺分溝塍刻鏤

塍音亦塍音繩稻畦也

原隰龍鱗決渠降

雨荷插成雲五穀垂穎桑麻鋪荼東郊則有通溝大漕

潰渭洞河汎舟山東控引淮湖與海通波西郊則有上

囿禁苑林麓藪澤陂池連乎蜀漢繚以周牆四百餘里

離宮別館三十六所神池靈沼往往而在其中乃有九

真之麟大宛之馬黃支之犀條枝之鳥踰崑崙越巨海

殊方異類至于三萬里其宮室也體象乎天地經緯乎  
陰陽據坤靈之正位倣太紫之圓方樹中天之華闕豐  
冠山之朱堂因瓌材而究奇抗應龍之虹梁列焚燎以  
布翼荷棟桴而高驤雕玉碩以居楹裁金壁以飾璫發  
五色之渥彩光燭朗以景彰於是左城右平重軒三階  
閨房周通門閨洞開列鐘虞於中庭立金人於端闈仍  
增崖而衡闕臨峻路而啓扉徇以離宮別寢承以崇臺  
間館煥若列宿紫宮是環清涼宣溫神仙長年金華玉

堂白虎麒麟區宇若茲不可殫論增盤崔嵬登降焰爛  
殊形詭制每各異觀乘茵步輦惟所息宴後宮則有掖  
庭椒房后妃之室合歡增城安處常寧萑若椒風披香  
發越蘭林蕙草鴛鴦飛翔之列昭陽特盛隆於孝成屋  
不呈材牆不露形裛以藻繡絡以綸連隋侯明月錯落  
其間金缸銜壁是為列錢翡翠火齊流耀含英懸黎垂  
棘夜光在焉於是玄墀釳砌玉階彤庭碾礧綵綴琳珉  
青瑩珊瑚碧樹周阿而生紅羅颺纒綺組繡紛精曜華

燭俯仰如神後宮之號十有四位窈窕繁華更盛迭貴處乎斯列者蓋以百數左右庭中朝堂百寮之位蕭曹魏邴謀謨乎其上佐命則垂統輔翼則成化流大漢之愷悌盪亡秦之毒螫故令斯人揚樂和之聲作畫一之歌功德著乎祖宗膏澤洽乎黎庶又有天祿石渠典籍之府命夫惇誨故老名儒師傅講論乎六藝稽合乎同異又有承明金馬著作之庭大雅宏達於茲為羣元元本本殫見洽聞啓發篇章校理秘文周以鈎陳之位衛

以嚴更之署總禮官之甲科羣百郡之廉孝虎賁贅衣  
閭尹閭寺陞戟百重各有典司周廬千列微道綺錯輦  
路經營修除飛閣自未央而連桂宮北彌明光而亘長  
樂陵塏道而超西墉提建章而連外屬設壁門之鳳闕  
上觚稜而棲金爵內則別風一名折風嵯嶢眇麗巧而聳擢  
張千門而立萬戶順陰陽以開闔爾乃正殿崔嵬層構  
厥高臨乎未央經駘盪而出馭蘇合娑蘇合洞蘇合杙鳥宿詣以與天  
梁上反宇以蓋戴激日景而納光神明鬱其特起遂偃

蹇而上躋軼雲雨於太半虹霓迴帶於棼楣雖輕迅與  
僂狡猶愕眙而不能階攀井幹而未半目眩轉而意迷  
捨櫺檻而卻倚若顛墜而復稽魂怳怳以失度巡迴塗  
而下低既懲懼於登望降周流以徬徨步甬道以縈紆  
又杳窈而不見陽排飛闥而上出若遊目於天表似無  
依而洋洋前唐中而後太液覽滄海之湯湯揚波濤於  
碣石激神岳之將將濫瀛洲與方壺蓬萊起乎中央於  
是靈草冬榮神木叢生岩峻嶢嶢金石崢嶸抗仙掌以



承露擢雙立之金莖軼埃壘之混濁鮮顯氣之清英騁  
文成之丕誕馳五利之所刑庶松喬之羣類時遊從乎  
斯庭實列仙之攸館非吾人之所寧爾乃盛娛遊之壯  
觀奮太武乎上囿因茲以威戎夸狄耀威靈而講武事  
命荊州使起烏詔梁野而驅獸毛羣內闡飛羽上覆接  
翼側足集禁林而屯聚水衡虞人修其營表種別羣分  
部曲有署罟網連絃籠山絡野列卒周匝星羅雲布於  
是乘鸞輿備法駕帥羣臣披飛廉入苑門遂繞鄠鄠厯

上蘭六師發逐百獸駭殫震震爚爚雷奔電激草木塗  
地山淵反覆蹂躪其十二三乃拘怒而少息爾乃期門  
佽飛列刃鑕鏃要趺追蹤鳥驚觸絲獸駭值鋒機不虛  
拑弦不再控矢不單殺中必疊雙颭颭撲紛紛增繳相  
纏風毛雨血灑野蔽天平原赤勇士厲猿狖失木豺狼  
懾竄爾乃移師趨險並蹈潛穢窮虎奔突狂兇觸蹶許  
少施巧秦城力折制拑僞狡扼猛噬脫角挫脰徒搏獨  
殺挾師豹拖熊螭曳犀犛頓象羆超洞壑越峻崖蹙蘄

巖巨石頽松柏仆叢林摧草木無餘禽獸殄夷於是天  
子乃登屬玉之館厯長楊之榭覽山川之體勢觀三軍  
之殺獲原野蕭條目極四裔禽相鎮壓獸相枕藉然後  
收禽會衆論功賜胙陳輕騎以行魚騰酒車以斟酌割  
鮮野食舉烽命醕享賜畢勞逸齊大輅鳴鑾容與徘徊  
集乎豫章之宇臨乎昆明之池左牽牛而右織女似雲  
漢之無涯茂樹蔭蔚芳草被隄蘭茝發色晔晔猗猗若  
摘錦與布繡燭燿乎其陂鳥則玄鶴白鷺黃鵠鵙鵲鶴

鵠鵠鵠鳬鷺鴻鴈朝發河海夕宿江漢沈浮往來雲集  
霧散於是後宮乘輶輅登龍舟張鳳蓋建華旗祛黼帷  
鏡清流靡微風澹淡浮櫂女謳鼓吹震真聲激越警呼宏

厲天鳥羣翔魚窺淵招白鷗下雙鵠揄文竿出比目撫  
鴻量御綵繒方舟並驚俛仰極樂遂乃風舉雲搖浮遊  
溥覽前乘秦嶺後越九峻東薄河華西涉岐雍宮館所  
厯百有餘區行所朝夕儲不改供禮上下而接山川究  
休祐之所用采遊童之謹謠第從臣之嘉頌于斯之時

都都相望邑邑相屬國藉十世之基家承百年之業士  
食舊德之名氏農服先疇之畎畝商修族世之所鬻工  
用高魯之規矩粲乎隱隱各得其所若臣者徒觀迹於  
舊墟聞之乎故老十分未得其一端故不能徧舉也

### 東都賦

東都主人喟然而歎曰痛乎風俗之移人也子實秦人  
矜夸館室保界河山信識昭襄而知始皇矣惡睹大漢  
之云為乎夫大漢之開元也奮布衣以登皇位繇數期

而創萬代蓋六籍所不能談前聖靡得而言焉當此之時政有橫而當天討有逆而順民故婁敬度勢而獻其說蕭公權宜而拓其制時豈泰而安之哉計不得以已也吾子曾不是睹顧曜後嗣之末造不亦闇乎今將語予以建武之治永平之事監于太清以變子之惑志往者王莽作逆漢祚中缺天人致誅六合相滅于時之亂生民幾亡鬼神泯絕壑無完樞郭罔遺室原野厭人之肉川谷流人之血秦項之災猶不克半書契以來未之

或紀故下人號而上訴上帝懷而降監乃致命乎聖皇  
於是聖皇乃握乾符闡坤珍披皇圖稽帝文赫然發憤  
應若興雲霆擊昆陽憑怒雷震真遂超大河跨北岳立  
號高邑建都河洛紹百王之荒屯因造化之盪滌體元  
立制繼天而作系唐統接漢緒茂育羣生恢復疆宇勲  
兼乎在昔事勤乎三五豈特方軌並迹紛綸后辟治近  
古之所務蹈一聖之險易云爾哉且夫建武之元天地革  
命四海之內更造夫婦肇有父子君臣初建人倫寔始

斯迺伏羲氏之所以基皇德也分州土立市朝作舟車  
造器械斯迺軒轅氏之所以開帝功也恭行天罰應天  
順民斯迺湯武之所以昭王業也遷都改邑有殷宗中  
興之則焉即土之中有周成隆平之制焉不階尺土一  
人之柄同符乎高祖克已復禮以奉終始允恭乎孝文  
憲章稽古封岱勒成儀炳乎世宗案六經而校德眇古  
昔而論功仁聖之事既該而帝王之道備矣至于永平  
之際重熙而累洽盛三雍之上儀修袞龍之法服鋪洪



藻信申景鑠揚世廟正雅樂人神之和允洽君臣之序

既肅迺動大輅遵皇衢省方巡狩躬覽萬國之有無考  
聲教之所被散皇明以燭幽然後增周舊修洛邑扇巍  
巍顯翼翼光漢京于諸夏總八方而為之極是以皇城  
之內宮室光明闕庭神麗奢不可踰儉不能侈外則因  
原野以作苑順流泉而為沼發蘋藻以潛魚豐圃草以  
毓獸制同乎梁鄒誼合乎靈囿若乃順時節而蒐狩簡  
車徒以講武則必臨之以王制考之以風雅歷騶虞覽

駟鐵嘉車攻采吉日禮官整儀乘輿乃出於是發鯨魚  
鏗華鐘登玉輅乘時龍鳳蓋琴麗和鑾玲瓏天官景從  
寢威盛容山靈護野屬御方神雨師汎灑風伯清塵千  
乘雷起萬騎紛紜元戎竟野戈鋌彗雲羽旄掃霓旌旗  
拂天焮焮炎炎揚光飛文吐燭生風欲野歎山日月為  
之奪明丘陵為之搖震真遂集乎中囿陳師案屯駢部  
曲列校隊勒三軍誓將帥然後舉烽伐鼓申命三驅輕  
車霆發驍騎電驚由基發射范氏施御弦不睨禽轡不

詭遇飛者未及翔走者不及去指顧倏忽獲車已實樂  
不極般殺不盡物馬踧餘足士怒未湊先驅復路屬車  
案節於是薦三犧效五牲禮神祇懷百靈御明堂臨辟  
雍揚緝熙宣皇風登靈臺考休徵俯仰乎乾坤參象乎  
聖躬目中夏而布德瞰四裔而抗稜西盪河源東澹海  
濱北動幽崖南耀朱垠殊方別區界絕而不鄰自孝武  
之所不征孝宣之所未臣莫不陸訾水慄奔走而來賓  
遂綏哀牢開永昌春王三朝會同漢京是日也天子受

四海之圖籍膺萬國之貢珍內撫諸夏外綏百蠻爾乃  
盛禮興樂供帳置乎雲龍之庭陳百僚而贊羣后究皇  
儀而展帝容於是庭實千品旨酒萬鍾列金罍班玉觴  
嘉珍御太牢享爾乃食舉雍撤太師奏樂陳金石布絲  
竹鐘鼓鏗鉤管弦曄煜抗五聲極六律歌九功舞八佾  
韶武備泰古畢四夷間奏德廣所及禁侏賣離罔  
不畢集萬樂備百禮暨皇歡浹羣臣醉降煙煜調元氣  
然後撞鐘告罷百僚遂退於是聖上覩萬方之歡娛久

沐浴乎膏澤懼其侈心之將萌而怠於東作乃申舊章  
下明詔命有司班憲度昭節儉示太素去後宮之麗飾  
損乘輿之服御抑工商之淫業興農桑之上務遂令海  
內棄末而反本背偽而歸真女修織紵男務耕耘罷用  
陶匏服尚素玄恥纖靡而不服賤奇麗而不珍捐金於  
山沈珠於淵於是百姓滌瑕盪穢而鏡至清形神寂寞  
耳目不營嗜欲之源滅廉恥之心生莫不優游而自得  
玉潤而金聲是以四海之內學校如林庠序盈門獻酬

交錯俎豆莘莘下舞上歌蹈德詠仁登降飫宴之禮既  
畢因相與嗟歎玄德謹言弘說咸含和而吐氣頌曰盛  
哉乎斯世今論者但知誦虞夏之書詠殷周之詩講義  
文之易論孔氏之春秋罕能精古今之清濁究漢德之  
所由唯子頗識舊典又徒馳騁乎末流溫故知新已難  
而知德者鮮矣且夫僻界西戎險阻四塞修其防禦孰  
與處乎土中平夷洞達萬方輻湊秦嶺九峻涇渭之川  
曷若四瀆五岳帶河沂洛圖書之淵建章甘泉館御列

仙孰與靈臺明堂統和天人太液昆明鳥獸之圃曷若  
辟雍海流道德之富游俠踰侈犯義侵禮孰與同履法  
度翼翼濟濟子徒習秦阿房之造天而不知京洛之有  
制識函谷之可關而不知王者之無外主人之辭未終  
西都賓矍然失容逡巡降階悚然意下捧手欲辭主人  
曰復位今將授子五篇之詩賓既卒業乃稱曰美哉乎  
斯詩義正乎揚雄事實乎相如匪唯主人之好學蓋乃  
遭遇乎斯時小子狂簡不知所裁既聞正道請終身而

誦之其辭曰

明堂詩

於昭明堂明堂孔陽聖皇宗祀穆穆煌煌上帝宴饗五位時序誰其配之世祖光武普天率土各以其職猗與緝熙允懷多福

辟雍詩

迺流辟雍辟雍湯湯聖皇莅止造舟為梁皤皤國老乃父乃兄抑抑威儀孝友光明於赫太上示我漢行鴻化



惟神永觀厥成

靈臺詩

迺經靈臺靈臺既崇帝勤時登爰考休徵三光宣精五行布序習習祥風祁祁甘雨百穀蓁蓁庶草蕃廡屢惟豐年於皇樂胥

寶鼎詩

嶽修貢兮川效珍吐金景兮歆浮雲

歆氣出貌  
火騎反

寶鼎見

兮色紛緼煥其炳兮披龍文登祖廟兮享聖神昭靈德

兮彌億年

白雉詩

啓靈篇兮披瑞圖獲白雉兮效素烏嘉祥阜兮集皇都  
發皓羽兮奮翹英容潔朗兮於淳精彰皇德兮侔周成  
永延長兮膺天慶

西京賦

張平子

有憑虛公子者心參體忤雅好博古學乎舊史氏是以  
多識前代之載言於安處先生曰夫人在陽時則舒在

陰時則慘此牽乎天者也處沃土則逸處瘠土則勞此  
繫乎地者也慘則慙於歡勞則徧於惠能違之者寡矣  
小必有之大亦宜然故帝者因天地以致化兆民承上  
教以成俗化俗之本有與推移何以覈諸秦據雍而彊  
周即豫而弱高祖都西而秦光武處東而約政之興衰  
常由此作先生獨不見西京之事歟請為吾子陳之漢  
氏初都在渭之涘秦里其朔寔為咸陽左有函嶠重險  
桃林之塞綴以二華巨靈顛顛高掌遠蹠以流河曲厥

跡猶存右有塋坻之隘隔闕華戎岐梁汧雍陳寶鳴雞  
在焉於前則終南太一隆崛崔嵬隱嶙鬱律連岡乎嶠  
冢抱杜含鄠欲灋吐鎬爰有藍田珍玉是之自出於後  
則高陵平原據渭踞涇澶漫靡迤作鎮於近其遠則有  
九峻甘泉涸陰沍寒日北至而含凍此焉清暑爾乃廣  
衍沃野厥田上上寔為地之奧區神皋自古以雍州積  
高神明之奧故  
立時郊上帝諸神祠皆聚之廣雅曰皋局也謂神明之界局也又曰奧美也澤畔曰皋昔者大帝  
悅秦繆公而覲之饗以鈞天廣樂帝有醉焉乃為金策

錫用此土而翦諸鶉首是時也並為彊國者有六然而

四海同宅西秦豈不詭哉自我高祖之始入也五緯相

汁

一作叶

以旅于東井婁敬委輅幹非其議天啓其心人

患

其

之謀及帝圖時意亦有慮乎神祇宜其可定以為

天邑豈伊不虔思於天衢豈伊不懷歸於枌榆天命不

滔疇敢以渝於是量徑輪考廣袤經城洫營郭郭取殊

裁於八都豈稽度於往舊爾乃覽秦制跨周法狹百堵

之側陋增九筵之迫脅正紫宮於未央表峽闕於閭闔

疏龍首以抗殿狀鬼峨以岌業亘雄虹之長梁結焚燎  
以相接蒂倒茄於藻井披紅葩之狎獵飾華棖與璧璫  
流景曜之韡曄雕楹玉碣繡栴雲楣三階重軒鏤檻文  
椀右平左城青瑣丹墀刊層平堂設切厓隰坻堦鱗眴  
棧齟嶸嶮嶮裏岸夷塗修路峻險重門襲固姦穴是防仰  
福帝居陽曜陰藏洪鍾萬鈞猛虡趨趨負筍業而餘怒  
乃奮超而騰驤朝堂承東溫調延北西有玉臺聯以昆  
德

以上皆  
殿名

嵯峨嵕嶭罔識所則若夫長年神仙宣室玉

堂麒麟朱鳥龍興含章

皆殿名

譬衆星之環北極叛判赫

戲以輝煌正殿路寢用朝羣辟大厦耽耽九戶開闢嘉  
木樹庭芳草如積高門有閼列坐金狄內有常侍謁者  
奉命當御外有蘭臺金馬遞宿迭居次有天祿石渠校  
文之處重以虎威章溝嚴更之署徼道外周千廬內附  
衛尉八屯警夜巡晝植鍛懸猷用戒不虞後宮則昭陽  
飛翔增成合驩蘭林披香鳳凰鴛鴦羣窈窕之華麗嗟  
內顧之所觀故其館室次舍采飾纖縟裒以藻繡文以

朱綠翡翠火齊絡以美玉流懸黎之夜光綴隋珠以為  
燭金配玉階彤庭輝輝珊瑚琳碧璫珉璘彬珍物羅生  
煥若崑崙雖厥裁之不廣侈靡踰乎至尊於是鉤陳之  
外閭道穹窿屬長樂與明光徑北通於桂宮命般爾之  
巧匠盡變態乎其中於是後宮不移樂不徙懸門衛供  
帳官以物辦恣意所幸下輦成燕窮年忘歸猶弗能徧  
瑰異日新殫所未見惟帝王之神麗懼尊卑之不殊雖  
斯宇之既坦心猶憑而未據思比象於紫微恨阿房之



不可廬覲

脉

往昔之遺館獲林光於秦餘處甘泉而爽

塏乃隆崇而弘敷既新作於迎風增露寒與儲胥託喬

基於山岡直嶸寬以高居通天眇

眇

以竦峙徑百常而

莖擢上辨華以交紛下刻削其若削翔鷗仰而弗逮况

青鳥與黃雀伏櫺檻而頻聽聞雷霆之相激栢梁既災

越巫陳方建章是經用厭火祥營宇之制事無未央園

闕竦以造天若雙碣之相望鳳騫翥於甍標咸溯風而

欲翔閭闔之內別風嶢嶢何工巧之瑰瑋交綺豁以疏

寮干雲霧而上達狀亭亭以岌岌神明崛其特起并幹  
疊而百增峙遊極於浮柱結重欒以相承累層構而遂  
躋望北辰而高興消零埃於中宸集重陽之清激瞰宛  
虹之長髻察雲師之所憑上飛閭而仰眺正覩瑤光與  
玉繩將乍往而未半怵悼慄而聳兢非都盧之輕趨孰  
能超而究升馭娑蘇駘盪臺燾稊桔桀形杗詣承光臺  
睽眾庠豁形增桴重棼鏐鏐列列反宇業業飛檐轆轤  
流景內照引曜日月天梁之宮寔開高闌旗不脫局結

四方斡轆輻輳驚容於一扉長廊廣廡連閣雲蔓閉庭  
詭異門千戶萬重閨幽閨轉相逾延望窅窳以徑廷眇  
不知其所返既乃珍臺蹇產以極壯燈道邈倚以正東  
似閨風之遐坂橫西洫而絕金墉城尉不弛柝而內外  
潛通前開唐中彌望廣豫顧臨太液滄池潏沆漸臺立  
於中央赫昡昡以弘敞清淵洋洋神山峩峩列瀛洲與  
方丈夾蓬萊而駢羅上林岑以矗鼎下斬巖以出齧長  
風激於別島起洪濤而揚波浸石菌於重涯濯靈芝以

朱柯海若遊於玄渚鯨魚失流而蹉跎於是采少君之  
端信撫藥大之貞固立修莖之仙掌承雲表之清露屑  
瓊藥以朝餐必性命之可度美往昔之松喬要羨門乎  
天路想升龍於鼎湖豈時俗之足慕若歷世而長存何  
遽營乎陵墓徒觀其城郭之制則旁開三門參塗夷庭  
方軌十二街衢相經廛里端直甍宇齊平北闕甲第當  
道直啓程巧致功期不阨陟<sub>多</sub>木衣綈錦土被朱紫武  
庫禁兵設在蘭綺匪石<sub>顯</sub>匪董<sub>賢</sub>疇能宅此爾乃廓開

九市通關帶闌旗亭五重俯察百隧周制大胥今也惟

尉瓌貨方至鳥集鱗萃鬻者魚羸求者不匱爾乃商賈

百族裨販夫婦鬻良雜苦蚩眩邊鄙何必昏龜於作勞

邪羸優而足恃彼肆人之男女麗美奢乎許史若夫翁

伯濁質張里之家

翁伯以販脂而傾縣邑濁氏以胃脯而連騎質氏以洗劑而鼎食張里以

馬醫而擊鐘

鼎食連騎相過東京公侯壯何能加都邑

遊俠張趙之倫齊志無忌擬跡田文輕死重氣結黨連

羣實蕃有徒其從如雲茂陵之原

涉

陽陵之朱

安

趨悍

施豁如虎如貙睚眦蠆芥屍僵路隅丞相欲以贖子罪  
陽石汚而公孫誅若其五縣遊麗辨論之士街談巷議  
彈射臧否剖析毫釐迫肌分理所好生毛羽所惡成  
瘡瘡郊甸之內鄉邑殷隱賑軫五都貨殖既遷既引商

旅聯楫隱隱展展冠帶交錯方輳接軫封畿千里統以

京尹郡國宮館百四十五右極留蓋知屋知并卷栗鄴戶

左暨河華遂至虢土上林禁苑跨谷彌阜東至鼎湖斜

界細柳掩長楊而聯五柞繞黃山而款牛首繚垣繇聯

四百餘里植物斯生動物斯止衆鳥翩翻羣獸駘駘

侯行走貌散似驚波聚似京峙伯益不能名隸首黃帝不能

紀林麓之饒于何不有木則樅栝檟楠梓槭梗楓嘉卉

灌叢蔚若鄧林鬱蒨蔓藟藟肅爽肅欂櫨吐葩颺榮布葉

垂陰草則葳蕤菅蒯薇蕨芴芴萌王芻苢萌臺戎葵懷羊

苳蓂蓬茸彌皋被岡篠蕩敷衍編町成篁山谷原隰決

滸無疆迺有昆明靈沼黑水玄趾周以金隄樹以柳杞

豫章珍館揭焉中峙牽牛立其左織女處其右日月於





柞木剪棘結置百里遠岡杜蹊塞鹿鹿麋麋駢田偪仄

天子乃駕雕軫六駿駁戴翠帽倚金較璿弁玉纓遺光  
條爚建玄弋樹招搖棲鳴鳶曳雲梢弧旌枉矢虹旃蜺  
旄華蓋承辰天畢前驅千乘雷動萬騎龍趨屬車之遙  
載獫狁獠匪惟翫好廼有祕書小說九百本自虞初從  
容之求寔俟寔儲於是蚩尤秉鉞奮鬣被般禁禦不若  
順也以知神姦魑魅魍魎莫能逢旃陳虎旅於飛廉正壘  
壁乎上蘭結部曲整行伍燎京新賊雷鼓縱獵徒赴長

莽冽卒清侯武士赫怒緹衣韎韐睚眦拔扈光炎燭天

庭囂聲震海浦河渭為之波盪吳嶽為之阨雉堵百禽

悽遽駭瞿奔觸喪精亡魂失歸志趨投輪關輻不邀自

遇飛罕攔箭朔流鎬攬普爆朴矢不虛舍鋌不苟躍當

足見碾值輪被轢歷僵禽斃獸爛若磧礫但觀置羅之

所罾結竿爰之所搃橫畢義族楚之所攬捫徒搏之所

撞秘白日未及移晷已獮其十七八若夫遊鷗高翬絕

阮踰斥龜兔聯猿陵巒超壑比諸東郭莫之能獲乃有

迅羽輕足尋景追括鳥不暇舉獸不得發青骹

苦交

繫於

韝下韓盧噬於絛末及其猛毅鬣鬣

毛鬣

隅目高睚威懾

兕虎莫之敢伉乃使中黃

國名

之士育獲之疇朱鬣

莫亞切帶

髻頭飾也

鬣

作計切以麻雜為髻如今撮也

髻

露髻

植髮如竿袒裼戟手踉蹌

盤桓鼻赤象圈巨犴獠狔猥

胃批

獠

庾獠

狔

酸

措枳落

突棘藩梗林為之靡拉櫟叢為之摧殘輕銳僛狡趨捷

之徒赴洞穴探封狐陵重巘獵昆駝杪木未獲獬獬起

殊榛帶飛鼯是時後宮嬖人昭儀之倫常亞於乘輿慕

賈氏之如皋樂北風之同車盤于遊畋其樂只且於是  
鳥獸殫目觀窮遷延邪睨集乎長楊之宮息行夫展車  
馬收禽舉齒數課衆寡置互擺牲頒賜獲虜割鮮野饗  
犒勤賞功五軍六師千列百重酒車酌醴方駕授饗升  
觴舉燧既醕鳴鐘膳夫馳騎察貳廉空察廉皆視也炙炮夥

清酤攷

文亦多也

皇恩溥洪德施徒御悅士忘疲巾車命駕

迴旆右移儀佯乎五柞之館旋憩乎昆明之池登豫章

簡

去

矰魯

紅蒲且

子余

發弋高鴻挂白鵠聯飛龍璫不特

絳往必加雙於是命舟牧為水嬉浮鷁首翳雲芝垂翟

葆建羽旗齊棹女縱櫂歌發引去和去校鳴葭奏淮南

度陽阿感河馮懷湘娥驚蜩蛎憚蛟蛇然後釣魴鱧纚

鯉鮒撫紫貝搏耆龜鳩搯水豹鬐潛牛澤虞是濫何有

春秋摘滂了解搜川瀆布九罟設置獨麗鹿操青鯢交鯢

殄水族蕞藕拔蜃蛤剥普逞欲畋鮒效獲麇麇於摻古

蓼老萍牢浪郎乾池滌藪上無逸飛下無遺走獲胎拾

卵蚺蜥盡取取樂今日遑恤我後既定且寧焉知傾阤

雄大駕幸乎平樂之館張甲乙而龍衣翠被攢珍寶之玩  
好紛瑰麗以奢靡臨迴望之廣場程角觝之妙戲烏獲  
扛鼎都盧尋橦衝狹鷺濯膏突鈎鋒跳丸劍之揮霍走  
索上而相逢華嶽峩峩

假作也

岡巒參差神木靈草朱實

離離總會仙倡戲豹舞羆白虎鼓瑟蒼龍吹簫女娥坐  
而長歌聲清暢而蛟蛇洪崖立而指麾被毛羽而襪襪  
度曲未終雲起雪飛初若飄飄後遂霏霏複陸重閣轉  
石成雷礪礪激而增響磅礴象乎天威巨獸百尋是為

曼延

去聲

神山崔巍歛從背見熊虎升而挈攫猿狖超而

高援怪獸陸梁大雀跋跋白象行孕垂鼻麟困海鱗變

而成龍狀踔踔以蜎蜎舍利甌甌化為仙車驪駕四鹿

芝蓋九葩蟾蜍與龜水人弄蛇奇幻僚忽易貌分形吞

刀吐火雲霧杳冥畫地成川流渭通涇東海黃公赤刀

粵祝萸厭白虎卒不能救挾邪作蠱於是不售爾乃建

戲車樹修旃倂僮逞材上下翩翩突倒投

他豆

而跟絰譬

殞絕而復聯百馬同轡騁足並馳撞末之伎態不可彌

彎弓射乎西羌又顧發乎鮮卑於是衆變盡心醒醉盤  
樂極悵懷萃陰戒期門微行要平屈降尊就卑懷璽藏  
紱便旋閭閻周觀郊遂若神龍之變化彰后皇之為貴  
然後歷掖庭適歡館捐衰色從嬾婉促中堂之匿坐羽  
觴行而無筭祕舞更奏妙材騁伎妖蠱古艷夫夏姬美  
聲暢於虞氏始徐進而羸形似不任乎羅綺嚼清商而  
却轉增嬋娟以跣豸紛縱體而迅赴若驚鶴之羣罷振  
朱屣於盤樽奪長袖之颯纚要杳紹修態麗服颺菁昭



藐流盼一顧傾城展季桑門誰能不營列爵十四競媚  
取榮盛衰無常惟愛所丁衛后興於鬢髮飛燕寵於體  
輕爾乃逞志究欲窮身極娛鑒戒唐詩他人是媮自君  
作故何禮之拘增昭儀於婕妤賢既公而又侯許趙氏  
之無上思致董於有虞王閔爭於坐側漢載安而不渝  
高祖創業繼體承基暫勞永逸無為而治耽樂是從何  
慮何思多歷年所二百餘期徒以地沃野豐百物殷阜  
巖險周固襟帶易守得之者強據之者久流長則難竭

祗深則難朽故奢泰肆情而馨烈彌茂鄙生生乎三百  
之外傳聞於未聞之口曾髣髴其若夢未一隅之能覩  
此何與於殷人屢遷前八而後五居相圯耿不常厥土  
盤庚作誥帥人以苦方今聖上同天號於帝皇掩四海  
而為家富有之業莫我大也徒恨不能以靡麗為國華  
獨儉嗇以齷齪忘蟋蟀之謂何豈欲之而不能將能之  
而不欲歟願聞所以辯之之說也

東京賦

張平子

安處先生於是似不能言者憮然有間乃莞爾而笑曰  
若客所謂末學膚受貴耳而賤目者也苟有曾而無心  
不能節之以禮宜其陋今而榮古矣由余以西戎孤臣  
而惺抱古穆公於宮室如之何其以溫故知新研覈是非

近於此惑周姬之末不能厥政政用多僻始於宮隣卒  
於金虎嬴氏搏翼擇肉西邑是時也七雄並爭競相高  
以奢麗楚築章華於前趙建叢臺於後秦政利觜長距  
終得擅場思專其侈以莫已若乃構阿房起甘泉結雲

閣冠南山征稅盡人力殫然後收以太半之賦威以叅夷之刑其遇民也若薙氏之芟草既蘊崇之又行火焉惻惻黔首豈徒跼局高天踏藉厚地而已哉乃救死於其頸毆以就役唯力是視百姓不能忍是用息肩於大漠而欣戴高祖高祖膺錄受圖順天行誅杖朱旗而建大號所推必亡所存必固掃項軍於垓下繼子嬰於軹塗因秦宮室據其府庫作洛之制我則未暇是以西匠營宮目玩阿房規摹踰溢不度入聲不臧損之又損然尚

過於周堂觀者狹而謂之陋帝已譏其泰而弗康且高  
既受命建家造我區夏矣文又躬自菲薄治致升平之  
德武又大啓土宇封禪肅然之功宣重威以撫和戎狄  
呼韓來享咸用紀宗存主饗祀不輟銘勲彝器歷世彌  
光今捨純懿而論爽德以春秋所諱而為美談宜無嫌  
於往初故蔽善而揚惡祇吾子之不知言也必以肆奢  
為賢則是黃帝合宮有虞總章固不如夏癸之瑤臺殷  
辛之瓊室也湯武誰革而用師哉盍亦覽東京之事以

自寤且夫天子有道守在海外守位以仁不恃隘害苟  
民志之不諒何云巖險與襟帶秦負阻於二關卒開項  
而受沛彼偏據而規小豈如宅中而圖大昔先王之經  
邑也掩觀九隩靡地不營土圭測景不縮不盈總風雨  
之所交然後以建王城審曲面勢沂洛背河左伊右瀍  
西阻九阿東門于旋盟津達其後太谷通其前迴行道  
乎伊闕邪徑捷乎轅轅太室作鎮揭以熊耳底柱輟流  
鍾以大岷溫液湯泉黑丹石緇王鮪岫居能

奴  
來鰲魚三趾

處妃攸館神用挺紀龍圖授義龜書畀似召伯相宅卜

惟洛食周公初基其繩則直長弘魏舒是廓是極經途

九軌城隅九雉度

徒洛反

堂以筵度室以几京邑翼翼四

方所視漢初弗之宅也故宗緒中圯巨猾間疊竊弄神

器歷載三六偷安天位于時蒸民罔敢或貳其取威也

重矣我世祖忿之乃龍飛白水鳳翔參墟授鉞四七共

工是除攬槍

星名

旬始羣凶靡餘區宇乂寧思和求中睿

哲玄覽都茲洛宮曰止曰時昭明有融既光厥武仁洽

道豐登岱勒封與黃比崇逮至顯宗六合殷昌乃新崇  
德遂作德陽啓南端之特闌立應門之將將昭仁惠於  
崇賢抗義聲於金商飛雲龍於春路屯神虎於秋方建  
象魏之兩觀旌六典之舊章其內則含德章臺天祿宣  
明溫飭迎春壽安永寧飛閣神行莫我能形濯龍芳林  
九谷八溪芙蓉覆水秋蘭被涯渚戲躍魚淵游龜螭永  
安離宮修竹冬青陰池幽流玄泉冽清鴈匹鷗秋棲鶻  
鵬春鳴睢鳩麗黃關關嚶嚶於南則前殿靈臺赫驩安



福謬門

永室門也

曲榭邪阻城洫奇樹珍果鉤盾所職西登

少華亭候修勅九龍之內寔曰嘉德西南其戶匪雕匪

刻我后好約乃宴斯息於東則洪池清籊綠水澹澹內

阜川禽外豐葭茨獻鱉蜃與龜魚供蝸蠃

滿佳

與菱芡其

西則有平樂都塲示遠之觀龍雀蟠蜿天馬半漢瑰異

譎詭粲爛炳煥奢未及侈儉而不陋規遵王度動中得

趣於是觀禮禮舉儀具經始勿亟成之不日猶謂為之

者勞居之者逸慕唐虞之茅茨思夏后之卑室乃營三

宮布政頒常複廟重屋八達九房規天矩地授時順鄉

造舟清池惟水泱泱左制辟雍右立靈臺因進距衰表

賢簡能馮

冰皮

相

也視

觀祲祈禱

音綠

禳災於是孟春元日羣

后旁戾百僚師師于胥斯洎藩國奉聘要荒來質具惟

帝臣獻琛執贄當覲於殿下者蓋數萬以二爾乃九賓

重臚人列崇牙張鏞鼓設即將司階虎戟交鍛龍輅充

庭雲旗拂霓夏正三朝庭燎晷晷撞洪鐘伐靈鼓旁震

八鄙軒轅隱訇若疾霆轉雷而激迅風也是時稱警蹕

已下雕輦於東廂冠通天佩玉璽紆皇組要干將負斧  
宸次席紛純左右玉几穆穆而南面以聽矣然後百辟  
乃入司儀辨等高卑以班璧羔皮帛之贄既奠天子乃  
以三揖之禮禮之穆穆焉皇皇焉濟濟焉將將焉信天  
下之壯觀也乃羨公侯卿士登自東除訪萬機詢朝政  
勤恤民隱而除其害人或不得其所若已納之於隍荷  
天下之重任匪怠皇以寧靜發京倉散禁財賚皇僚逮  
輿臺命膳夫以大饗饗餼浹乎家陪春醴惟醇燔炙芬

芬君臣歡康具醉薰薰千品萬官已事而跋亦作竣退也勤

屢省懋乾乾清風協於玄德淳化通於自然憲先靈以

齊軌必三思以顧愆招有道於仄陋開敢諫之直言聘

丘園之耿潔旅束帛之戔戔上下通情式宴且盤及將

祀天郊報地功祈福乎上玄思所以為虔肅肅之儀盡

穆穆之禮殫然後以獻精誠奉禋祀曰允矣天子也乃

整法服正冕帶珎紃丁紃紃玉笄綦會火龍黼黻藻綽

顰厲結飛雲之袿輅樹翠羽之高蓋建辰旒之太常紛

焱悠以容裔六玄蚪之奕奕齊騰驤而沛艾龍駒華駉

金鍔鏤錫方鉉左肅鉤膺玉璫鑾聲噦噦和鈴缺缺重

輪貳轄疏轂飛軫羽蓋歲蕤葩曲莖順時服而設

副咸龍旂而繁纓立戈迤戛農輿輅木屬車九九乘軒

並轂斑伏弩重旃朱旒青屋奉引既畢先輅乃發鸞旗

皮軒通帛綉旆雲罕九旂闕戟輶輶聲髦被繡虎夫戴

鷗駉附承華之蒲梢飛流蘇之騷殺總輕武於後陳奏

嚴鼓之嘈囂才戎士介而揚揮戴金鉦而建黃鉞清道

案列天行星陳肅肅習習隱隱麟麟殿

丁見

未出乎城闕

旆已迴乎郊畛盛夏后之致美爰恭敬於明神爾乃孤

竹之管雲和之瑟雷鼓豐豐六變既畢冠華秉翟列舞

八佾元祀惟稱羣望咸秩颺煥燎之炎煬

樣

致高煙乎

太一神歆馨而顧德祚靈主以元吉然後宗上帝於明

堂推光武以作配辨方位而正則五精帥而來摧尊赤

氏之朱光四靈茂而允懷於是春秋改節四時迭代蒸

蒸之心感物增思躬追養於宗祧奉蒸嘗與禴祠物牲

辯徧省設其福衡毛魚豚

傳

亦有和羹滌濯靜嘉禮

儀孔明萬舞奕奕鐘鼓煌煌靈祖皇考來顧來享神具

醉止降福穰穰及至農祥晨正土膏脈起乘鸞輅而駕

蒼龍介

保介也

馭間以剡耜躬三推於天田修帝籍之千

畝供禘郊之粢盛必致思乎勤已兆民勸於疆場咸懋

力以耘耔春日載陽合射辟雍設業設虞宮懸金鑄鼓

鼓路鼗樹羽幢幢於是備物物有其容伯夷起而相儀

后夔坐而為工張大侯制五正設三乏

司

旌并夾

既設儲乎廣庭於是皇輿夙駕仕於東階以須消啓

佳

明掃朝霞登天光於扶桑天子乃撫玉輅時乘六龍發  
鯨魚鏗華鐘大丙弭節風后陪乘攝提運衡徐至於射  
宮禮事展樂物具王夏闕騶虞奏決拾既次雕弓斯設  
達餘萌於暮春昭誠心以遠喻進明德而崇業滌饕餮  
之貪欲仁風衍而外流誼方激而遐驚日月會於龍旂  
闡恤人事之勞疚因休力以息勤致歡忻於春酒執饗  
乃以袒割奉觴豆於國叟隆至尊以訓恭送迎拜乎三



壽敬慎威儀示民不偷我有嘉賓其樂愉愉聲教布濩  
盈溢天區文德既昭武節是宣三農之隙曜威中原歲  
惟仲冬大閱西園虞人掌焉先期戒事悉率百禽鳩諸  
靈囿獸之所同是謂告備乃御小戎撫輕軒中畋四牡  
既佶且閑戈矛若林牙旗繽紛迄于上林結徒為營叙  
和樹表司鐸授鉦坐作進退節以軍聲三令五申示戮  
斬牲陳師鞠旅教達禁成火烈具舉武士星敷鵠鶴魚  
麗箕張翼舒軌塵掩迤匪疾匪徐馭不詭遇射不剪毛

升獻六禽時膳四膏馬足未極輿徒不勞成禮三驅解  
果放麟不窮樂以訓儉不殫物以昭仁慕天乙之弛咎  
因教祝以懷民儀姬伯之渭陽失熊羆而獲人澤浸昆  
虫威振八寓好樂無荒允文允武薄狩于教既瑣瑣焉  
岐陽之蒐又何足數爾乃卒歲大儺毆除羣癘方相秉  
鉞巫覡操筭侑子萬童丹首玄製桃弧棘矢所發無臬  
刈飛礮雨散剛瘳必斃煌火馳而星流遂赤疫於四裔  
然後凌天池絕飛梁捎螭魅測角猗莽狂惡戾斬蛟蛇

腦方良囚耕父於清泠溺女魃於神潢殘夢魃與罔象  
殪野仲而殲游光八靈為之震懼况魃蠱與畢方度朔  
作梗守以鬱壘神荼副焉對探索葦目察區陬司執遺  
鬼京室密清罔有不隄於是陰陽交和庶物時育卜征  
考祥終焉允淑乘輿巡乎岱岳勸稼穡於原陸同衡律  
而一軌量齊急舒於寒燠省幽明以黜陟乃反旆而迴  
復望先帝之舊墟慨長思而懷古俟閭風而西遐致恭  
祀於高祖既春遊以發生啓諸蟄於潛戶度秋豫以收

成觀豐年之多稔嘉田畷之匪懈勤致賚於九扈左瞰  
賜谷右睨玄圃眇天末以遠期規萬世而大摹且歸來

以釋勞膺多福以安愈

羊主反

總集瑞命備致嘉祥園林

氏之騶虞擾澤馬與騰黃鳴女牀之鸞鳥舞丹穴之鳳  
凰植華平於春圃豐朱草於中唐惠風廣被澤洎幽荒  
北燮丁令南諧越裳西包大秦東過樂浪重舌之人九  
譯僉稽首而來王是故論其遷邑易京則同規乎殷盤  
改奢節儉則合美乎斯干登封降禪則齊德乎黃軒為

無為事無事永有民以孔安遵節儉尚素樸思仲尼之  
克已履老氏之常足將使心不亂其所在目不見其可  
欲賤犀象簡珠玉藏金於山抵璧於谷翡翠不裂璆瑁  
不族所貴惟賢所寶惟穀民去末而反本咸懷忠而抱  
慤于斯之時海內同悅曰吁漢帝之德馨侯其禕而盖  
蕡莢為難蒔也故曠世而不覲惟我后能殖之以至和  
平方將數諸朝階然則道胡不懷化胡不柔聲與風翔  
澤從雲遊萬物我賴亦又何求德寓天覆輝烈光燭狹

三王之趨軼軼五帝之長驅踵二皇之遐武誰謂駕遲而不能屬東京之懿未罄值余有犬馬之疾不能究其精詳故麤為賓言其梗槩如此若乃流遁忘反放心不覺樂而無節後離其戚一言幾於喪國我未之學也且夫挈瓶之智守不假器况纂帝業而輕天位瞻仰二祖厥庸孔肆常翹翹以危懼若乘奔而無轡白龍魚服見困豫且雖萬乘之無懼猶怵惕於一夫終日不離於輜重獨微行其焉如夫君人者鞋纊塞耳車中不內顧珮

以制容鑒以節塗行不變玉駕不亂步却走馬以糞車  
何惜騶裒與飛兔方其用財取物常畏生類之殄也賦  
政任役常畏人力之盡也取之以道用之以時山無槎  
枿畝不虞鳥胎草木繁廡鳥獸阜滋民忘其勞樂輸其  
財百姓同於饒衍上下共其雍熙洪恩素蓄民心固結  
執義顧主夫懷貞節忿姦慝之干命怨皇統之見替玄  
謀設而陰行合二九而成譎登聖皇於天階章漢祚之  
有秩徒若此故王業可樂焉今公子苟好勸民以媮樂

忘民怨之為仇也好殫物以窮寵忽下叛而生憂也夫  
水所以載舟亦所以覆舟堅冰作於履霜尋木起於蘖  
栽昧旦丕顯後世猶怠況初制於甚泰服者焉能改裁  
故相如壯上林之觀揚雄騁羽獵之辭雖係以頽牆填  
塹亂以收置解罟卒無補於風規祇以昭其愆尤臣濟  
參以陵君忘經國之長基故函谷擊柝於東西朝廷顛  
覆而莫持凡人心是所學體安所習鮑肆不知其臭翫  
其所以先入咸池不齊度於鼃咬而衆聽者或疑能不



惑者其惟子野乎客既醉於大道飽於文義勸德畏戒  
喜懼交爭罔然若醒朝疲夕倦奪氣褫魄之為者也忘  
其所以為譚失其所以為夸良久乃言曰鄙哉予乎予  
習非而遂迷也幸見指南於吾子若僕所聞華而不實  
先生之言信而有徵鄙夫寡識而今而後乃知大漢之  
德馨咸在於此昔常恨三墳五典既泯仰不覩炎帝帝  
魁之美得聞先生之餘論則大庭氏何以尚茲走雖不  
敏庶斯達矣

南都賦

張平子

於顯樂都既麗且康陪京之南居漢之陽割周楚之豐  
壤跨荆豫而為疆體爽塏以閑敞紛郁郁其難詳爾其  
地勢則武闕開其西桐栢揭其東流滄浪而為隍廓方  
城而為墉湯谷涌其後涓水盪其胸推淮引湍三方是  
通其寶利珍怪則金彩玉璞隋珠夜光銅錫鉛錯若赭  
者堊惡流黃綠碧紫英青腹丹粟太一餘糧中黃穀角  
玉松子神陂赤靈解角耕父揚光於清泠之淵游女弄

珠於漢臯之曲其山則崆

口峴

江五嶠

苦嶠

五嶠

大芒芒

嶽

刺

刀

峽

客

罪

迴

嶽

金

嶽

宜

嶽

結

谷

子

峽

夏

含

霜

雪

或

岩

嶽

嶽

嶽

而中絕鞠巍巍其隱天俯而觀乎雲霓若夫天封大狐

列仙之甌上平行而曠蕩下濛籠而崎嶇坂坻巖薛而

成嶽谿壑錯繆而盤紆芝房菌蠢生其隈玉膏瀦溢流

其隅崑崙無以參閭風不能踰其木則檉松楔椶椶栢

杻樞楓桺櫨樾帝女之桑楮材枿櫨栝檣檀結根竦

本垂條嬋媛布綠葉之萋萋敷華榮之蓁蓁玄雲合而  
重陰谷風起而增哀攢立叢駢青冥盱眙杳藹蓊鬱於  
谷底森蓊蓊而刺天虎豹黃熊游其下穀穀攷猱狔戲

其巔鸞鸞鵠鵠翔其上騰猿飛獼棲其間其竹則籊籊

簞簞條條籊籊緣延坻坂澶漫陸離阿那上蓊茸上風

靡雲披爾其川瀆則湔湔灤灤發源巖穴潛匿於洞出

沒滑濺滴布濩漫汗漭沆洋溢總括趣欲呼箭馳風疾

流湍投濺戢砢普八八輶普鳥鳥長輸去遠逝流涿涿

戢砢普八八輶普鳥鳥

長輸去遠逝流涿涿

減汨其水虫則有螻龜鳴蛇潛龍伏螭鱣鱣鰻鰪鰈鼉鼉

蛟螭巨蚌函珠駁瑕委蛇其陂澤則有鉗盧玉池赭陽

東陂貯水渟渟亘望無涯其草則有蘆平聲苧直呂蘋煩莞

桓將蔣將蒲孤蘼葭藻茆菱芡芙蓉含華從風發榮菲披

芳葩其鳥則有鴛鴦鵲鵲鴛鴦鴛鴦鴛鴦苦鴝雅鴝雅鴝雅鴝雅

鷓鴣鷓鴣鷓鴣和鳴澹澹隨波其水則開竇灑流浸彼稻

田溝澮脉連堤塍相輶丘均朝雲不興而潢潦獨臻決渫

則曠為溉為陸冬稔夏穡側角隨時代熟其原野則有桑

漆麻紵菽麥稷黍百谷蕃廡翼翼與與若其園圃則有

蓼葳蕤荷諸蔗薑藟薪萸芋瓜乃有櫻梅山柿侯桃梨

栗栲郢栗若榴榲橙鄧橘其香草則有薜荔蕙若薇蕪

蓀萋晻曖蒨蔚含芬吐芳若其厨膳則有華薌重秬潢

履臯香杭歸鴈鳴鴉

丁滑反

黃稻鱸魚以為芍藥

五味之主酸

甜滋味百種千名春茆夏筍秋韭冬菁蘇菽紫薑拂徹

羶腥酒則九醞甘醴十旬魚清醪敷徑寸浮蟻若萍其

甘不爽醉而不醒及其糾宗綏族禴祠蒸嘗以速遠朋

嘉賓是將揖讓而升宴于蘭堂珍羞琅玕充溢圓方琢

琬狎獵金銀琳琅侍者蠱

治

媚巾幘鮮明被服雜錯履

躡華英僎才齊敏受爵傳觴獻酬既交率禮無違彈琴

擲

奴牒

籥流風徘徊清角發徵聽者增哀客賦醉言歸主

稱露未晞接歡宴於日夜終愜樂之令儀於是暮春之

禊元巳之辰方軌齊軫祓于陽瀕朱帷連網曜野映雲

男女姣服絡繹繽紛致飾程蠱

治

腰紹便娟微眺流睇

蛾眉連卷於是齊僮唱兮列趙女坐南歌兮起鄭舞白


鶴飛兮繭曳緒修袖繚繞而滿庭羅襪躡蹠而容與翩  
繚繚其若絕眩將墜而復舉翹遙遷延蹀躞踟躕結九  
秋之增傷怨西荆之折盤彈箏吹笙更為新聲寡婦夜  
吟鷓鴣哀鳴坐者悽欷蕩魂傷情於是羣士放逐馳乎  
沙場騶驥齊鑣黃間機張足逸驚飈鏃析毫芒俯貫魴  
鱖仰落雙鵠魚不及竄鳥不暇翔爾乃撫輕舟兮浮清  
池亂北渚兮揭南涯汰澆滯兮船容裔陽侯澆兮掩鳧  
鷖追水豹兮鞭蜩蛸憚夔龍兮怖蛟螭於是日將逮昏



樂者未荒收歡命駕分背迴塘車雷震而風厲馬鹿超  
而龍驤夕暮言歸其樂難忘斯乃游觀之好耳目之娛  
未覩其美者焉足稱舉夫南陽者真所謂漢之舊都也  
遠世則劉后甘厥龍醢視魯縣而來遷奉先帝之追孝  
立唐祀於堯山固靈根於夏葉終三代而始蕃非純德  
之宏圖孰能揆而處旃近則考侯思故匪居匪寧穢長  
沙之無樂厯江湘而北征曜朱光於白水會九世之飛  
榮察茲邦之神偉啓天心而寤靈於是宮室則有園廬

舊宅隆崇崔嵬御房穆以華麗連閣煥其相徽聖皇之  
所逍遙靈祇之所保綏章陵鬱以青葱清廟肅以微微  
皇祖歆而降福彌萬祀而無衰帝王臧其擅美詠南音  
以顧懷且其君子弘懿明敷允恭溫良容止可則出言  
有章進退屈伸與時抑揚方今天地之睢刺帝亂其政  
豺虎肆虐真人革命之秋也爾其則有謀臣武將皆能  
攫戾執猛破堅摧剛排捷陷局蹙蹙咸陽高祖階其塗  
光武攬其英是以關門反距漢德久長及其去危乘安

視人用遷周召之儔據鼎足焉以庀王室縉紳之倫經  
綸訓典敷納以言是以朝無闕政風烈昭宣也於是乎  
鯢齒眉壽鮐背之叟皤然被黃髮者喟然相與歌曰望  
翠華兮歲建太常兮徘徊按平路兮來歸豈不思天子南巡  
京師總萬乘兮徘徊按平路兮來歸豈不思天子南巡  
之辭者哉遂作頌曰皇祖止焉光祖起焉據彼河洛統  
四海焉本枝百世位天子焉永世克孝懷桑梓焉真人  
南巡觀舊里焉



古今事文類聚續集卷一